

40

35

30

25

20


15

第十五

浪語集抄
水心集鈔
艾軒集鈔

十五


柳田文庫
文庫11
D 156
25



吳孟舉
自牧 同選

文庫11
D 156
25

宋詩鈔四集



宋詩鈔四集目錄

薛季宣	浪語集
葉適	水心集
林光朝	艾軒集
樓鑰	攻媿集
趙師秀	清苑齋集
翁卷	葦碧軒集
徐照	芳蘭軒集
黃公度	知稼翁集
劉克莊	後村集
王廷珪	瀘溪集

宋言金四集目錄

劉宰 漫塘集

王阮

義豐集

戴復古

石屏集

戴昺

農歌集

方岳

秋崖集

鄭震

清雋集

謝翹

晞髮集

文天祥

文山集

許月卿

先天集

林景熙

白石樵唱集

真山民

山民集

僧道潛

參寥集

僧惠洪

石門文字禪

費氏

花蕊集

梁棟

隆吉集

何夢桂

潛齋集

僧道潛

參寥集

僧惠洪

石門文字禪

費氏

花蕊集

浪語集鈔

薛季宣字士龍永嘉人年十七起從荆南帥辟書寫機宜文事由武昌令召爲大理寺主簿大理正出知湖州改常州年四十而卒季宣爲程門再傳而所言經術則浙學也故浙人宗之其詩質直少風人瀟灑之致然縱橫七言則盧仝馬異不足多也

石門漁舍

漁家在何許。踏駁岩下石。花樹幾株芳。湖山數峰碧。窊樽亭遂古。雙闕天自闢。錦綉入茨舍。藤蘿封篴柵。吾爲江上遊。形苦世間役。心馳定沙步。舟行過簷隙。浪翁底鐫銘。太尉此居宅。豈若斯人徒。風雲相主客。

遊竹陵善權洞二首

萬古英臺面。雲泉響珮環。練衣歸洞府。澗水倒流入水洞中香雨落人間。蝶舞凝山魄。花開想玉顏。幾如禪觀適。遊鯈戲澄灣。

寺故祝英臺宅唐昭義帥李蠻嘗見白龍出水洞而爲雷雨今小水洞存鰐魚四足

左右蟠蠻戰。晨昏燕蝠爭。九星寧曲照。三洞獨何營。世事嗟興喪。人情見死生。阿誰能種玉。還爾石田耕。山有三洞更寺觀者不一再有李後主斷還僧寺批札石記語極可笑大木洞有石田數十町奇絕

都場正月盡。未見梅。思雪中石門之遊作。

千里春何晚。三旬曠不回。眼青瞑縣柳。粉白闕宮梅。麗水平年時泛桃花雪裏開。軒轅丘一夢懷往思悠哉。有軒轅之上丘

謝客窮幽處。仙宮隱薜蘿。二峰峩巍闕。雙瀑瀉天河。犧獵應難致。猿猴却患多。雪山更好淹歲定如何。犧獵皆出石門之上

吳江放船至楓橋灣所謂必來溪也

短蓬負長虹。破簾掛明月。風馬座中生。天幕波中出。高城多隱映。遠岫攬羅列。少小泛吳江。始識仙凡別。

送士昭兄赴南外敦宗院

憶昔南州去。松根眺邑廓。鳥啼雲裏樹。人入洞中天載陟。今時路。須航古渡船。地窮巖嶮盡。乘晚濟平川。
桺花唐玉蘂花介甫謂之楊花魯直謂之山繁武昌山中多有之其葉可供染事土人用之釀酒
桺綠吐瑤琨。冷然郭外村。仙人來玉蘂。文士立山繁。芳澤留絲素。風流付酒樽。莫言楊醋似。香處不勝繁。

樊岡雨後彌望皆平蕪綠草無復花矣。

候客樊岡道。新晴致日佳。萬般詩外意。百種夢中花。蔓綠鋪平野。江流襲漲沙。無如石頭滑。龍首粲新芽。

讀三國志

左角蠻攻觸。南柯擅伐槐。徘徊記名字。人物委塵埃。錦里昔曾到樊川。今此來。遺風不可見。觀古意悠哉。

乍落回路得家書。是夕有歸夢。

夢入江南路。依然識舊廬。家人話生計。兒子督程書。繚繞俗緣在。纏綿習氣餘。金雞驚悞我。安問未爲疎。

江行卽事

春信潮聲急。滔滔掩岸沙。客船離浦激。漁笛起蒹葭。盪槳水光碎。轉山帆影斜。篙工指煙樹。依約有人家。

誠臺雪望懷子都三首

白也今良嗣。千年璧一雙。文思泉漱石。色照月明窗。漢檄空樊渚。飄零遠漢江。此情誰與度。木介響琤璇。

狂遊失可人。萍聚我和君。千里共明月。幾山空白雲。擊雕飛墮毳。嚼雪冷冰齦。百歲無多子。離居困索羣。李性剛直同官日爲雕李

和賈簿

揜脰誠臺雪。吟頭祇自昂。梅花開嶺路。冰玉皴池塘。良馬日千里。美人天一方。尺書不可寄。道義兩相忘。

忌日雪

荼毒惟何甚。同時失所天。哀傷逢此日。懷抱憶初年。白雪

明心素。青松黯墓庭。不堪陳几席。罪罟欲誰冤。

鄉思

達仕租千石。虛名酒五經。豈能千日醉。未勝九年耕。識取
杯中趣。知從袋裏乘。讀書無一事。官宦汨平生。

讀郎報

世味刀頭蜜。人情屋上烏。榮華榮子格升黜。逸仙圖射祭
知生獸。她銜欲報珠。不將魂夢到。反是憶尊鱸。

春陰

讀王黃州小畜集

春晝閣春愁。無情若隱憂。柔腸牽柳眼。困淚點花頭。不放
春風度。從教暮雨休。哀憐無限意。小畜閑黃州。

送鄭景望赴國子丞詩二首并序

澠之江潭

但漫平而委長

有山焉截乎江之口。其潮也

尾間盈而瀆瀑。海水溢而羣飛。回江之波倒流而反觸
於山。其濤怒衝乎潭。其波激委之。至遠。其爲憤也。滴
崩騰。洶洶。洞濁藏昂。驟蹙而軒乍。旋而入。竚盈淵谷。前
無高岸。一川矗立。突如來如。屹如銀山。犇如陳馬。轟如
雷鼓。激如搏鵬。子胥奔躍于濤頭。文種昌揚其暗浪。雖
共工氏折不周之柱。左伯母彈桓山之目。拔山如項羽。
驅石若始皇。未足以擬其壯。天河裂龍門。發呂梁洩汾。
防決淮隄。撤猶不得形模其彷彿也。操舟者逝而取之。
順而方之。呼吸之中。恬然已無事矣。濤之力也。有旣故
吳兒可狎而弄。其去也有時。故行人可厲而涉。走營開
諸濱江之老叟。曰江之產有煩苛。其涉有陷沙。煩苛
也。蠔蜃比也。形如瓢瓦。呀吻衆多。狎者遭焉。則著身而

不寘沙之雜也。多淖則人之履踐不實。涉者俄而陷溺。則僵爲汝之濫。君子者曰。操舟者子其神乎。憑乎虛舟。凌乎巨浪。逆而取之。不害其爲正順。而方之不害吾之正。故雖濤水掀天。而吾不爲之蕩。橫流溢盪。而吾不爲之撓。持危涉險。亶默而成之。其眎涉者。吳兒爲有全安之數矣。子鄭子一鄉之望。其赴國子丞也。固當爲時世用。鄉人又將儀之。夫國子清官。子鄭子和而不流者也。旣清且和。利用安身而崇德矣。其行也必將問津於浙。走期之以舟楫之利。琢詩爲贈。且序陷沙煩苦之說。所聞於父老者。而冠諸篇端。

風喜檣烏順。知難喚酒杯。好溪寒已半。京洛夢應回。僧舍方飄雪。江籬欲放梅。不須愁國步。之子棟梁材。

憶我論交晚。何堪又索居。朝陽鳴必鳳。清水察無魚。百惱愁成斛。羣疑鬼載車。否臧亡可道。贏得腹詩書。

種蘭

蘭生林樾間。清芬倍幽遠。野人坐官曹。茲意極不淺。西窗蔽斜日。松釵架春晚。牆陰蒔花木。憔悴根日損。植此山國香。坐與前事反。失疎可紉佩。心緒端有本。芽生僅盈壇。高風九成噏。羣芳顏色好。祇自誇園苑。何如淡嚼蠟。草莽曾誰混。對我靜無言。忘形如莽蕡。

刈蘭

東畹刈真香。靜院簾瓶水。高遠不勝情。時逐微風起。和雨剪閑庭。誰作騷人語。記得舊家山。香來無覓處。

石盆

鬚翁久埋沒。歲月來成奔。當年膾魚處。蘋日徒形存。想方
高會時。猛士侔雲屯。連鰲覬一釣。欲以大口吞。尺鯽剝紅
雪。烹葵植蘭蓀。王餘弃玉食。銀刀亂洞汎。墮臺不禁醉。網
漏如鯨鯢。座中盡羣彥。人亡失叢燔。吾遊懷此都。重到郭
外村。聊與廣武歎。裴裒哀受辛。益頽然鳳凰臺。路走臨津門。
催歸趁人馬。誰念古帝魂。愁無有力者。益樽負雲根。斯焉
共杯飲。垂綸具盤飧。

得符速走之官

我本樂閑人。自得安閑志。鄙性習疎散。誰識榮華意。竭來
復舊廬。喜獲平生志。稼穡任佃夫。家室歸中饋。中外若非
我。卒歲無他事。飽飯讀詩書。儂勝時困睡。嘲啁燕雀懼。鴻
鵠心應異。三皇竟何物。况復今官寺。寒餒譖妻孥。先春輸

典質。茲乃不可常。爲貧求祿仕。版籍一書名。野情那得忘。
官來促我裝。去作塵埃吏。無復有消搖。真爲口腹累。把板
從此行。短褐隨弃置。素殮良不堪。邑有民人寄。衆心險山
川。道微非所暨。上恐負朝家。終念家聲墜。吾民政焦噦。爲
此不能寐。格物可爲邦。舊說今難試。泥古誠腐儒。惟此知
爲治。仁義舍不爲。又敢圖與利。上官如我容。刑章得就易。
庶以遂其生。將久蘇疲瘁。此意尚茫然。思之或狂悖。

新作殊亭

虎將夏中時。旋復怡亭址。茆茨覆采椽。樸拙亦可喜。建斗
五移杓。殊亭更釋子。規摹雖少華。不陋復不侈。元碑碎俗
令。遺集褒空紙。縱步此山椒。金聲猶屬耳。舊亭苦弗稱。新
亭直殊美。書文兩奇絕。蹤蹟存布指。古人久不見。今人尚

殊此能知古今意。元始本無始。

春陰

春陰一何甚。愁結窗外花。細雨打疎竹。涓涓草新芽。眷此忽中慘。吾生浩無涯。閑讀凡上書。可歎復可嗟。時流諒難追。世路亦以賒。折腰墨綬卑。坐有憂患加。官柳粲新綠。黃鸝語淫哇。把盞但心醉。天外日已斜。魄月沉半壁。歸飛噪啼鴉。仰頭望虛碧。冥冥密雲遮。風塵政昏暗。逃形乏浮槎。顧影還自笑。狂遊蕩無家。弩頭強應世。鈍若倒拔蛇。先人營舊廬。清池傍蒹葭。芳時綉文錦。翻濤散晴霞。霽色故自好。風霾益云嘉。何當舍此去。忘情傲丹葩。

跋東坡詩案

南方有佳木。遠在漲天涯。沉水產其節。雞舌生其肌。結根

松栢塲。龍腦實離離。齧猿豈知告。斧斤斬欒枝。桺爲糠粃槽。將食犬與豨。條枚惡委曲。芟除弄江湄。滄流蕩回波。不與朽壤期。年代知幾閱。愈久乃見奇。根株到餘壠。復恐分寸遺。終焉盛芬烈。蘭蓀謝芳姿。

濟江逆田開府過西陽俞氏家林

輕舟時復到齊安。一過漁家一黯顏。江打頽牆開野徑。篁生故壘上家山。蕭騷城郭塵埃外。縹渺煙霞雲水間。便好繫船終日卧。官曹不許片時間。

宿大城寺。與寺僧行都子故城於壁壘間得銅矢鏃。土中螺殼往往不壞。僧言初作此寺。發殿基下有古甌。渠宮城中得銅矛矢鏃百數。南城中土窖積灰埋鵝首骨猶具。自甕城北望有郡王墓。僧云其

傍墟塚甚多。王墓常有巫者發之。未開被蜂毒死。巫家於懷袖間得蜂乃黃金所化。

二千逆數到春秋。戰國興亡一轉瞬。壘壁詎銷埋蚌殼。劫灰寧燼斬鵝頭。墳緣開發金成范。殿爲焚脩瓦出溝。哨矢焦銅傷我意。古來爭戰幾曾休。

周將軍廟觀岳侯石像。

侯祠初毀。道士不忍壞侯像。沈荊溪中因得不壞。

萬死何知獄吏尊。威名蓋代古難存。
而吐之曰汝觀今世烏有大臣繫而生者趣具成案吾爲汝書二桃豈爲功高賜。一舸不容身退論。幾爲飲江恩道濟。繆爲圖像削王敦。沉碑千

古蛟川恨。留與無窮客斷魂。

雨後憶龍翔寺

好溪東赴海門秋。中有禪居湧碧流。潮信往來雙別磯。世緣生滅幾浮漚。菱歌面面來魚鼓。燈火層層到客舟。何事瓜期外留滞。短窗斜雨不堪愁。

宿大城寺

寺乃郡王故宮

斷煙疏竹瓊樓臺。郡子如今安在哉。明滅故城無限意。紫薇花傍夕陽開。

春草曲

二月二日未旦夢遊遇潦旋返見羣女魚貫舞入大第。行歌春草之曲其聲宛轉清暢不類今之樂府寤而追記其詩。

散雪枝頭寒已老。平蕪一夜鋪春草。江梅着子怯東風。花落滿庭渾不掃。

赴調

三年蹤跡走泥途。走遍泥途一事無。今日又行當日路。有人爲我一邪歛。

○無題

朦朧夜色暗浮雲。咫尺氛埃怯戰塵。深夜鳴榔到庭戶。江

湖知有釣魚人。

○酴醿花謝有感

當初曾醉浣花春。席地棠梨當錦茵。今日酴醿飄似雪。閑忙不比舊時人。

○聞鶯

桃李無情花自妍。竹根行復破苔痕。新婦抱兒未歸去。愧死鵝姑啼滿園。

十四日從諸同官登西山郊壇同次孟監務韻

菩薩巖前湛佛乘。澄泓無復現天燈。強歌下俚酬春雪。便好爲文弔剗藤。

清遊無是亦無非。陡絕圓壇一強躋。赤壁望中公瑾在。戰

塵何日靜征鼙。

人間萬事盡浮埃。顧影窮遊莫倦陪。吳王百世不復在。只

有九仞天臺。

○歸計二首

浮雲何處是生涯。念縊營營卽是家。洗脚渡頭歸去也。漢津無用逐靈槎。
置錐無地也。無錐幸可歸來特地疑。船子月輪貧未破。羅浮焉用石頭爲。

○青田同七五兄作四首

爲閨雙鶴訪青田。便有孤雲覩相前。灘冰咱鳴山自綠。短
蓬斜柱得酣眠。

烏雲送雨過前
流瀧不鎮潺潺

浩歌欸乃客銷魂
知風雨作黃昏

笠翁夜傍清溪立，千尺絲輪一紅粒。天空月白不見人，無

廣雅

坐對悲風囁晚

王樂紛華苦未

我得歸能幾人。

雨後傾聽
二峰高峙夾禪

官波濤四面生

風回僂水縠紋
鳴帝雨忽帝晴

九門河海門

一肩閒尋五木經
櫟廬自意冥冥未能後擲如前擲將奈長亭又短亭

六月三夜夢觀其人詩什其書一章四絕蓋絕筆也
走讀竚太乙真人來告語青猿手裏得長書靜聞

丹竈風中雨之句夢而默記之寤矣作詩導意
多謝眞人警夢書青猿馴擾尚趨趣任從爐鼎喧風雨爭
奈神明復古初君樂煉形咀丹火我甘飲水灌園蔬惟當
敬佩終焉意予欲無言致匪虛

樊口見鄭崇陽不遇

經時兀兀坐筠廡。命駕崎嶇傍夕陽。島嶼西陵開卷畫。湖
山東鄂洗新裝。路侵細草迷繁綠。風落閒花憶舊香。却上
渡船歸去也。不逢安道故無妨。

誠臺晚意

麥夏西山日脚斜。峰雲千里盡丹霞。晴嵐棟桷水春漲。芳
草園林路晚花遠。近子規啼怨抑。高低乳鶯語淫哇。官身
歸是何年社。信美誠臺不似家。

新晴

起人舒慘作陰晴。九十春光只雨零。宿草未萌波漠漠。落
花歸盡葉青青。風生遠嶠銜明月。霧散長江吐漲汀。天意
乍回心自廣。片時雲路覺無形。

從孫元式假定本韓文

楊墨衰周亦旣微。仙暉變夏用。回瀾豈直萬人敵。斷
簡傳將百世師。脫落間亡鳥劙墨。蠹殘寧免白魚辭。枚讐
欹向君無愧。聊以新詩當一瓶。

校畢歸之

倒墨扶周復古文。清輝萬丈醉乎醇。七篇奧義遠相繼。六
代潛光今又新。字假通才識魚魯。車慙寡學改金銀。異書
喜得君無斲。此道中興知有人。

勸農出郊

漫驅戎馬說農郊。不見田疇見白茅。洪道曉晴明水底。羊
瀾春漲長林稍。紅翻大澤霞方散。青入空原草漸苞。迎曖
示民民自勸。可須杯酒薦烹炮。

冒雨渡江弔喪彭氏造雪堂夜歸

月波樓下草芊芊。浪拍三江起暝煙。願見古人人又去。欲
詢往事事無傳。窪樽明滅漁家火。焚口依俙估客船。妻子
迎門應怪笑。問君何謂苦周旋。

武昌懷古

漠漠煙村一故城。郊壇離殿草茆生。青山不解知興替。銷
黯開顏爲雨晴。

筠鄉入夏野花方拆

墻匝叢叢綉舞茵。一般顏面各精神。筠鄉不爲東君去。野
草閑花滿路春。

晚渡東坡

赤鼻磯頭橫曙煙。吳王城下浪連天。聞道東坡妙天下。爾
來靡日不盤旋。浮生萬事盡塵埃。瑞慶堂今榜快哉。惟有東坡舊煙柳。道
人猶解指葥苔。

寒食雨

言歸社雁已家鄉。紫燕呢喃識舊梁。甚雨疾風寒夜夜。旅
人情緒一思量。

嘲欲借予雜藁者

神文道本可言形。退也能藏用卽行。要得任牽驢狗在。無

端何似借書生。

郎君到底亦何知。奪卷書生真數奇。惡語故應多艾氣。殘藤無用寫來詩。

送張漕還停舟樊港訪退谷。

送客過樊谿。停橈退谷口。不見元次山。靜立躊躇久。巉巖兩石峰。猶疑入戶牖。杯湖正宜泛。堙塞僅盈肘。糞壤瘞杯樽。勿復堪堵酒。扁舟泛然者。長歌擊敝笱。浩無風塵意。將恐是贅叟。自知干進客。對面弗敢扣。從之人甚遠。慙顏爲之厚。武昌非昔人。望絕不得友。它時賦歸歟。湖谷定吾受。

此心介如石。自誓何樊母。

子規恨。

風篴扣吾扉。有人來我語。語好不須多。都不如歸去。開門

我見客。客子今何許。竹下得流虹。

言爲杜宇。杜宇昔王

蜀。不自安當寧。相歸密淫遊。微行。

羽鵠蹠。蛟龍失水困哀

怨成飛羽。規名釋爾雅。茲事則然。

楊雄蜀本紀。望帝亦

賢主。仙去正啼規。去思傳往古。不妄信斯言。

王去非輕舉

蒼天悲此民。故使規聲苦。脫屣感斯意。八極歸客與。到今

惟一人。後躅追無侶。所以百世下。直指不得數。聲盡斷以

血。空教瀝肝腑。其然豈其然。臣事君看取。

聞齊安雜詠板成。從沈守求印蒙以爲贈。

軾縣西南弦子國。使君昭代文章伯。氣吞雲夢納東坡。心在江湖輕赤壁。月波蕩漾春山色。崕嶧洲草芊芊碧。政平訟簡暇居多。杖屢逍遙神自適。到眼風光看如畫。罨畫溪邊舊遊者。高亭矗立畫不如。坐囁雲屏自天寫。使君好客

非春申一憂已足無餘人。哦詩五百盡清警。立使江山景物新。江山景物古來有。前賢相與天長久。近來百草漸埋沒。賴有此詩爲一部。使君好善人如已。棟板巾箱波遠邇。良知何獨此麻城。天下行聞爲商賈。我徇官禁僵杭幕。跋望亭高衣帶水。高唐想像賦神遊。遊客言詩詩信美。空書從學穆清風。得見異書人見同。解嘲不用潘邪老。只在先生指顧中。

○香棠

舊說海棠無香。惟昌州海棠有香。驗之蜀道信然。以爲不易之論。樂圃有棠三本。其花亦香。乃知非蜀棠獨香。

○香棠自有種耳。

世間元有無窮恨。海外棠花宮錦爛。燒炙東風春未半。濃裝獨立情縹亂。博山爐冷沈煙斷。記語洛妃池側畔。桂衣透濕飄香汗。舞罷霓裳高燭看。翠苑散花灘彼岸。亦有當初舊遊觀。棠梨古逕霞光燦。薔薇露冷衣新盥。袖卷燕支紅入腕。噴入蘭芷芳都蕡。天然種性真奇玩。嶺海誠知煎可饗。凝纈柔柯燃熾炭。裏取絅巾永傳玩。它年留得重公案。

○鄂城篇

袁山野火春風吹。驚飈萬馬爭奔馳。烏龜阪頭蕃草木。化作灰燼張天飛。武昌佐史皆好古。煮茗聯鑣訪城府。狂生此意復不淺。好事大家何爾汝。鄂王城闕煙蒼蒼。鄂王宮殿波茫茫。今古都盧一餉頃。不見古人虛引領。毫殷豐鎬已丘墟。蠻荆與楚將焉如。死生建業信徒語。石益古渡猶

多魚。古人已去安足齒。近事紛紜尚如此。君不見淮淝去歲是豐年。如今千里無含煙。

次韻李浩然喜晴

我愧子康之治密。其雨其雨而出日。靡神不宗始霧霤。將爲有年吾事畢。豈其霖霖澍霖。震虧又爲心首疾。視將圭璧走羣望。祈社禁門勤屈膝。誠知惡積怒神天。流毒匪緣寒。自憚。甫田千畝垂有秋。刈穫敗之方秀實。橫流場圃澆洋洋。苗苗禾頭多耳出。仰天何怨俯何尤。退省過愆知自失。牢愁僕僕事吁嗟。風雨敢躉頰沐櫛。恍誠蹕至蟻蝨微。舒慘蒼穹焉可必。都緣民困不聊生。重以凶荒神以卹。義和叱馭黑龍儻。倏忽清明聞啞臺。不知帝力固全真。謂我貪夫寧直筆。

河豚

豈其食魚河之鈎。河豚自美吳江鄉。膾蛙豕腹被文豹。則如無趾黔而王。我生甌東到閩方。規魚貫見梅花裝。梅青不肯候春雪。荻芽靜嘯垂飛楊。古來多魚吳武昌。薄遊三月新初嘗。西施乳嫩可奴駱。馬肝得酒尤珍良。無愁縷縷結中腸。豐美肥腯如切肪。外皮甘滑裏皮厚。令人忘却美烏郎。舉之東海來三江。會聞清濁斯滄浪。白龍未免豫且困。膨胀唯唯浮魚梁。氣衝毬鞠何彭彭。地遠都無橄欖香。不知淡入恣游泳。極情性命徒爲戕。腊毒厚味能人凶。何須西子齊文姜。甚美由來必甚惡。直它一死言爲長。鮋魚俗物休相妨。良藥相傳海上方。蘆根槐子豈足貴。生龍之腦黃龍湯。

釣臺阻風去得風便

先生非釣名。魚釣清冷水。太空長廓然。浪迹秋光淡。人憂我何憂。忘怒亦忘喜。建武非漢元。詎有留侯起。神明旋地軸。姓字更七里。雲臺已埋沒。巖瀨殊清泚。寂寞二釣臺。高挿煙霞裏。首陽遠相比。萬祀恒不圯。我來經舊壚。敢下瞻遺凡。東風迴我舟。江步時須艤。仰觀巖像設。敬拜豁煩鄙。曾臺暢登臨。無復徒仰止。紫迂古道屈。望望扳蘿藟。崇基介嵒石。特立端不倚。削成二山碧。平正草如砥。衆山鬱青葱。環合紛碨礧。清塵森萬象。觸睫同一視。古人不可見。可見安仁美。旅情殆忘返。回棹西風馳。青蒲桂一席。入望俄城市。譬如周變秦。物物非古始。乃知主人意。待我非朱紫。送迎因下風。忙遽均倒屣。烹茶出清泉。盤饌羅雙鯉。飫之以珍羞。浣濯予塵滓。相忘語嘿間。不假談名理。去留唯我意。今昔交汝爾。此情固冥契。何必親之子。

張村

皇義寂已久。澆俗無還淳。如何張村畠。杳杳全其真。豈不有妻孥。茅茨甘賤貧。豈不憚疲勞。務時勤杼耘。脫俗未爲貴。而今焉辟秦。青城足躋攀。那染龜城塵。枸杞薦盤蔬。殊非關養身。安常樂有餘。熙熙阜長春。奚其壽而康。無知斯體仁。靜言逐臭夫。迷途少知津。猥云老人村。郊荒絕酸辛。筋骨由堅強。誰謂存其神。井蛙議滄溟。夫豈窺崖垠。作詩賦張村。逝將同野人。

二女篇

天聖中韓魏公居所生憂。從其兄瑤守齊安。卽卒國寺。

西廡爲書堂以居。恒有二女子夜至。衣冠高古。容裝麗
甚。公恬不以爲怪。及去。二女告曰。妾非人也。亦非仙人鬼
魅。遊處再歲而言不及亂。公德士也。行矣。卽推此澤天
下。走讀齊安記。屈原之死。二女孝慈亦于此投江。故武
昌郡人以五月五日競渡。投角黍迎神舟上。二女非仙
人鬼魅。豈靈均二子之精爽耶。不然何知人如此之而
後先居者莫之能見。爲作二女篇。

姈娉二美人。幽閒真種性。色秀雪窓梅。衣冠儼修正。巖巖
韓稚圭。寂寞自清靜。虛室掃齋居。展禽當季孟。神遊問寒
暄。不得窺信行。怪力視茫昧。久要交善敬。語之非異類。安
民公有命。蓋聞楚靈均。汨羅陳死証。二子終孝慈。雙玉澄
江暎。當初黃鄂人。盪槳追游泳。端午花成俗。龍舸長奔競。
事神微有道。角黍勞將迎。非鬼且非仙。世士憑誰覩。

記遊詩

延陵道士何希全。爲人坦率狂易。居天慶觀。儕輩以風
子目之。走初識諸妻家。嘵嘵然。一多言人也。甲申歲至
西浙。從婦之昆弟遊。訪何之居。則閑無人聲。扣戶移時
而後希全者出。肅賓而坐。不交一談。同行怪之。視其齋
舍。蓋凝塵滿屋。胡牀雖設。而掩泥之板亡矣。意其非苟
然於世者。客退而主人不送。客彊之不辭。及門謝以無
茶。遂翻然而入。詢其行事不語。旣有年矣。晚遊崇勝佛
寺。過僧道一。不值。眎八案間。無非貴人竿牘。中庭有枯
條。不翦。謂之龍華攷記案圖。乃野菊之下品。王公聞人
爲之歌謡者。至積秩而加多。走閱短卷圖書。謂必法書

一名畫。開編而視，乃其繪夢成圖。一日之間所遇如此。若希全者，可謂身如夢幻。而道一者，顧以夢幻爲眞物之不齊有如此者。因思列子之言，爲發一笑，而作此詩。

先生混物化。浩若鶴與猿。結曲此世間。翛然脫籠樊。冥心遂無物。得意亦忘言。客至不點茶。猶嗔破苦痕。相逢蜀成都。過我故縣村。遐觀夢中夢。南膜佛因緣。鄭人決眞妾。子產不能賢。寥哉天地間。誰省物性偏。夢覺各有殊。從他見一邊。浩歌歸來乎。虛堂好晝眠。

跋蜡虎圖

刻木牽絲代不乏巧。而偃師擅剗劂之技。吹簫擊石。師有其能。而后夔名制作之宗。何哉。蓋精義入神。則神藏。其用至誠。假物則物狀其形。寫物之工。亦猶是也。婦弟元可所藏虎搏豕圖。其枯條衰柳。於菟剛鬚疏毛設色。皆極能品之上。至狀虎之蹲伏批豕頰而呷持之。豕喘失聲。手跑足廢。精神形度。曲盡一時之理。視之使人毛髮森聳。若彷徨乎其右也。人以宣城繪人包氏善虎。因以包虎名之。走謂包虎之形。但像虎耳。至狀真虎之態。包氏何足以知之。夫真虎之形。全於虎者不能到也。故走定爲麗歸眞。畫而名之曰蜡虎圖。歸眞梁人宋太祖時。以道士召對。自言售畫得錢沽酒。竟醉。此外無能者。嘗爲廬山道人寫鷄。而燕雀不敢來集。其畫喜圖牛虎。常伏草莽以觀虎之出入。或蒙虎皮而倣其搏躍之形。故其畫虎之工。居神品上。走知非歸眞。不解作此。蓋惟歸眞爲能知虎。非走無以識歸眞也。因跋以詩爲之序。

歲云暮矣露爲霜。枯條脫葉衰柳黃。郊原寂歷無人鄉。獐牙之豕充稻梁。舍廡以遊神氣揚。有斑者虎蹲在旁。低頭妥尾不大怡。豕行過之不虎防。虎往搏之噬豕吭。豕忙故步聲喚長。虎如抱兒未遽央。豕形雖在身命亡。不如安之充虎腸。得之紙本君何從。仙人道士形已忘。解衣盤礴艤翔。匡廬有潔清祠望。請君懸之政事堂。坐令帖伏犬與羊。君不見大索之祭通八方。盛德百世祠是常。又不見螳螂捕蜩雀捕螳。死生得喪不可償。虎哉寧知罿能爾戕。是非遠在天一方。君其寶之永世藏。

○孫元可賦張公石室詩句語險怪辭峰秀拔讀之如

神遊洞府而陵果爲之轍屬也非身行此洞不知

此詩之工蓋其質似盧全而文麗多之。如又加鞭當千里一瞬其視劉義馬異得名浪矣。詩文與我過當誠無足以當之。牽韻勉酬真添薪煮蕡之舉。君不見談天衍有言。九州之大惟一州。無論青冀并營幽我其放言學鄒子。將子聽之無我尤。我騎一紙白驥子。跨梯跔路走上南山頭。萬里以意行。一息不暫留。徘徊到空洞。且作秉燭遊。呼來混沌老蝙蝠。爾作精怪我則不從教激風怒竅拔木折石。一去旬有五日而後返。但是有戶則可由。積蘇纍塊雖云巧。達觀只與蟻蠟侔。我有五雲車。駕朗裝欲飛動。玉柱校立直以修。大撓甲子有窮盡。爾乃祿命難考求。皇天大地僅若一雞子。金烏玉兔銜得曉夜作

箭浮。我不知爾許事。政覺兩耳風颺颺。託死不復生。一死可作道者流。況乃漢時五斗米師。星河耿雙眸。石壇一坐一千歲。坐視生滅水上漚。水上漚且罷休。休無休於無作樂。無樂於無憂。仙人與世人。壽夭如相醻。清清爰靜爰自正。此舉獨步不可儔。信是神仙足官府。蜂房戶牖封君侯。我偶作此言。不比亦不周。爲何孫卿子。謂我阮與劉。爲我謝孫子。我才愧爾天一陬。不如且飲酒。耳熱徒歌謳。可以銷遣綿綿不斷萬古之悲愁。悲愁銷遣幾時盡。鴟古之後重有萬古來悠悠。

春愁詩効玉川子

春陰苦。亡賴巧解窮形餽。入我方寸間。釀成一百萬斛傷愁思。儻可織。爭奈百結不可紝。我與愁作惡。走三千尺高樓。千尺遡雲漢。只見四極愁雲浮。都不見銅盤之日缺月之鉤。此心莫欺明。愁來壓入頭。逃形入冥室。關閉一已牢周。遮四壁間羅幕密以綢。愁來無際畔。還能爲添幽憂。我有龍文三尺之長劙。真剛不作繞指柔。匣以明月通天虹。玉燭銀之寶室。可以陸劇犀象木。斷潛伏之蛟虬。云昔黃帝軒轅氏。用斬銅頭鐵額橫。行天下之蚩尤。擬將此劙斲愁斷昏迷。不見愁之喉。若士爲我言。子識愁意不愁至不忘。以愁生有來由。閑愁不足計。空言學莊周。日中之景君莫避。處陰息景景不留。疾行嫌足音。不如莫行休。因知萬慮爲縈愁之縛。忘懷爲遺累之舟。歸來衲被蓋頭坐。從

他鼻息鳴齁齁。取友造物先。汗漫相與遊。朝躋呌膞夕駕棲丹丘。天公向我笑。金母爲我謳。酌我以瓊漿玉液朝陽沈灔之濃齊。俾我眉壽長千秋。却欲強挽愁作伴。愁忽去我無處蹤跡尋行跡。惟有春華鬪春媚。一一儔約開明眸。又有平蕪綠野十百千萬頭。鈍悶耕田牛。踏破南山特石頭。

貴遊行

沙堤大蓋何穹窿。底人佩玉羣蒙狨。儻如熊虎馬游龍。誰何出入咸陽宮。笑刀瓠體顏芙蓉。步趨持重爲雍容。諸侯爰統掌百工。調元爲職裨九重。萬錢一食聲鼓鍾。猶言下筋終無從。異時糠噉腸不充。家徒壁立其室蓬。渺撮語鹿文彤鼎。繪爲綉句欺南宮。不分菽麥儔知饑。且無萬卷蕡。

曾中脂韋嬪。娶陳小忠。竭民膏髓。自爲功。榻前觸事。惟迎逢。宵思責難。始爲恭。君王謂賢。拜三公。門如沸湯。賄賂通財。侔縣官邑侯封。積金猶欲齊潛。畜家有錢爐。非範銅賣官鬻。獄揚成風。後房的爍燕支紅。皆民女婦來無蹤。有憂失得。常忡忡。殺賢賊能摧英雄。汲將同類塞要衝。害苗之心。饒蝗螽。忽彎射羿逢蒙弓。怡然自得豁心胷。黯如抹漆。何赤衷。向人自欺咤匪躬。高自標置人盲聾。言立便擬稱儒宗。學禪逃俗坐談空。元非友朋相磨礱。世間將謂無軒雄。言出波流士與農。却矜巧宦官既穹。笑伊魯儒嗟道窮。那知達人節青絲。眎而土苴及蛆蟲。古今異時理道同。蓋邪未必皆令終。君不見晉朝失國墮金墉。爲奴爲齒豈惟懷愍。廵北戎。

谷里章

上有青山下有澠洲步有回波面有紅流吞吐風雲呼吸
觜昴審能處之可銷憂退谷中人有箒簷山中繚繞茅舍
旁寒泉之流激琅瑯雙石西峰我在東無情鉤加此漫郎
性情荒浪氣志剛東鄰之人揮釣車胎縹孤鱗浪屋加釣
綸相投不遑舍聳斷會憚歸吾家我蓑我笠聊自娛沒溺
愧彼鄰舍漁沙門招提宅谷西金僊宮殿雲漢齊撞鍾擊
磬禮耶咄子欲詣之持清齋箇中有人坐無爲飢食困眠
氣答酡撫掌怡然笑呵呵吾昏將奈此子何漫歌八曲音
清冷風高水寒三歎聲勿哦大洞修黃庭谷中之樂實難
名長江北來樊水流東樊山水曲天回中儻儻之魚泳油
洋釣舟漁人鼓鳴榔浩歌一闋清滄浪終焉無求漫相忘

大江之東叢石起。谿衝聚石江鳴水。小小回中間浪不惡。釣
臺嵯峨瞰城郭。去來客船是中泊。漫成二闋回中曲。豪人
仲謀當漢衰。建安之際鼎祚移。江淮萬里吳帝之。冕旒十
二龍卷垂。輶車華蓋日月旗。荒墟之中不可求。宮室故處
春草青。長刀大劍可治生。我先田老相次耕。大夫勸相歌。
三成江北洲西陽國蕪城桑柘彌阡陌。婦可力蠶身力穡。
四歌不用愁衣食。一元大武牽何之。良田附郭吳東陲。牧
童田父麻單衣。叔閑修治木歇驥。從吾真者眞吾兒。西陽
罷田飽飯啼。五歌六歌神自怡。李甥叔靜蕩兩槳。弱翁將
船欲安往。大回小回閑釣魚。達家便擬酣醺如酒徒之誚
謾浪名。世俗交加漫不聽。行無所客相逢迎。醉歌七終將
八成。杯樽坏湖上坏亭。浪翁杯飲醉少醒。嬉然自打船舷

行蘋蒲芰荷出青萍。仰天大笑風泠泠。坏湖西南爲退谷。
壽藤纏纏繁壽木。涓泉森森匯樊曲。醉耳琤璇亂鳴玉。城
中友生綰銅墨。身備四殊攸好德。窪樽日醉主與客。挾以
石門天地窄。坏湖退谷人好游。可厭之類乃所羞。忽焉草
木成高丘。此游此泛生幽憂。泉明之風繼者誰。士源孟子
接武來。嚴霜皓雪春風熙。倒置日月寒溫移。來游者子充
良。子能得之可勿疑。此道不迂不回。子能識之可游佚。
勉強行之今是古。谷中之人若踵武。狂生作此谷里章。意
追浪叟俱商量。松風颶颶蘭草香。與君壽考終不忘。

水心詩鈔

六七

葉適字正則。溫州永嘉人。淳熙五年進士。爲節度判官。
以薦召爲博士兼實錄檢討官。嘗薦陳傅良等三十四
人於丞相。皆得人。林栗劾毀朱子。適上疏力爭。以是重
於儒林。預寧宗內禪議。左右趙汝愚。汝愚貶亦罷官。旋
召權兵部侍郎。韓侂胄欲立功出師。思適艸詔以動中
外。改吏部兼直學士院。以疾辭。適不能止其行。第勸其
先防江。不聽。兵敗。以適知建康府。沿江制置除寶謨閣
待制。措置頗得宜。會侂胄誅。亦奪職。奉祠者十三年。以
寶文閣學士卒。年四十七。謚忠定。詩用工苦而造境生
皆鎔液經籍。自見天真。無排庭刻勞之迹。艷出於冷。故
不厭淡。生於鍊故。不枯。曾點之瑟。方希化人之酒。微青。

其意味足當之

馮公嶺

馮公此山民。昔聞此山居。屈盤五十里。陟降皆林廬。公今去不存。耕鑿自有餘。風篁生谷隧。雨旆來岩虛。人隨亂雲入。咫尺聲相呼。四時草木香。異類果蔌腴。採薪得崖花。結綬成襟裾。此亦佳窟宅。可對幽人娛。何必種桃源。始入仙者圖。甌閩兩邦士。洶洶日夜趋。辛勤起芒屨。邂逅乘輪車。山人老白首。名氏不見書。我獨何爲者。拊身念居諸。

送鄭景元

兄弟同升難。高材自摧角。官多復不記。四載禮南嶽。一朝盡室去。菲食遭歲惡。丈夫軒豁意。快緊出鷹鵠。忍事得無慚。信有古人學。建安雖闢壞。桂樹美可樂。合抱更連理。費生蔭州郭。歲月歷幽長。根株見隴畝。終當作大廈。積功在雲霓。尚友如此君。蒼天未爲薄。

題賈儼不忘室

賈子好脩士。躬耕鹿岩阿。茂木俯青泉。幽處堪逶迤。有室淨棐几。圖史參前羅。獨能取我語。標榜相巍峩。我語不必記。子意固足多。物之徇外者。迅若橫流波。當其一念覺。胼胝駐崩渴。神丸起痿瘵。厚纊還暄和。倫類苟通明。軌轍寧外訛。但憂所見弱。繚如附松蘿。輿薪豈不睹。奈此斤斧何。勿令學高山。所至纔獻坡。如於衆稚裨。收拾同穎禾。雖云善端在。坐悼良時過。子先發曹掾。仁義躬濯磨。活人不知數。一善禳衆癟。每識飯牛下。有作甯戚歌。至今鄉里敬。墓栢垂霜柯。子質復粹美。藻火兼佩珂。中夜再三歎。警策自

詆訶未合者參辰已逝者江河所願天爵尊非必貴決科。

陳同甫抱膝齋二首

昔人但抱膝。將軍擁和鑾。徒知許國易。未信藏身難。功雖愆歲晚。譽已塞世間。今人但抱膝。流俗忌長歎。儒書所不傳。羣士欲焚刪。譏訶致囚籠。一飯不得安。珠玉無先客。松栢有後難。內窺淡溪息。仰視冥冥翰。勿憂雨霽消。且令四體肿。徘徊重徘徊。夜雪埋前山。

音駭則難聽。問駭則難答。我欲終言之。恐復來尊沓。培風鵬未高。弱水海不納。匹夫負獨志。經史考離合。手捩二千年。柔條起衰颯。念烈儻天回。意大須事匹。偶然不施用。甘盡齋中榻。寧爲楚人弓。亡矢任挽路。莫作隨侯珠。彈射墜埃墻。

超然堂

晨興詣曹參。使驛傳呼趨。庭頭頸屈退。歸闔戶胥吏玩。過門掉臂不入室。宅舍空荒轉頽漏。騶僕藍縷常寒乞。此堂豈可更超然。乍可鞅掌中。拂鬱每憐莊周齊物論。遣詞曠蕩違經律。獨稱松柏受正命。舜何人哉盡倫匹。萍實浮沉江漢遠。劖氣騰挪牛斗出。招徠鳳麟已悠緩。琢磨圭璧強堅密。擔擎自貴竭人力。起倒相因廢天質。古今問學滿天下。分寸毫釐難細詰。以茲凜凜觀萬事。口不敢言心自失。今朝幸續省倉米。且以糜煎飽時日。

再過吳江贈僧了洪

回飈掩夾浦。勢與黑樓頑。連袂上長橋。身弱屢見扛。苟無傾覆憂。恣橫未易當。坐定互驚愕。師云乃其常。有時氣力

雄駕浪拍此邦。熟風無失舟。小艇來茫茫。始悟寡所諳。論改色據張。苟小以爲大。空令事難量。玩變不觀微。亦乖智之方。已矣勿復云。聞鍾過石塘。

靈巖

穹窿右俛眉。天平左垂鬚。吳人宅沮洳。茲山抑其鎮。陡起爲表著。突兀數尋仞。樛松頗堅瘦。立石乃榮潤。兼有千里波。杳靄來遠韻。宜乎登椒丘。擺落思奮迅。亾主未亾時。絕色館孤峻。歌聲妙欸乃。俎品窮蛤唇。援琴固停晷。解甲仍轉瞬。終歸寂寞人。破釜煮枯葷。陳迹不足弔。新締何勞問。三年姑蘇驛。空望此塔近。適當熟食節。煖氣無已吝。豪風增春愁。異雪損花信。聊以壯遊行。歸受兒女艱。

葑門

遺墨固藏神。希聖非立我。斷後輒無前。實右卽虛左。品定賦纖洪。義明分勇懦。端木語衛文。洙泗皆卿佐。孔子叙夷齊。後進尚嵬瑊。從來一大事。幾作鴻毛荷。知非言所及。結網魚受課。誰持空空質。放縱無不可。茲門小精廬。荒寂衆萬過。欣余二三子。拙力守飢餓。楊花安得攬。飛去天闊墮。唯有露垂垂。滿畦紅藥墮。

齊雲樓

天下雄諸侯。蘇州數一二。都會自昔稱。陪京今也貴。奕奕涇重樓。岧岧立平地。虛景混空蒼。囂聲收遠肆。闌閣雖散濶欄檻。皆堪記。向非土木力。焉能快高視。湖山西南維。江海東北壘。舒緩未爲憇。疏達終多智。窮民一宵燈。細巧雜紋織。豪士三春卉。妖麗亂名字。侈甚見精誠。富餘輕講肆。

先朝豐豫日。應奉稽古義。花綱飛入汴。石林鬼浮泗。天然
造生活始者。行賑施王公。占上腴邸觀角奇致。是邦聚璀璨。
四顧盡憔悴。狂謨濡足遺爇等交臂。難難屢省方。薄
遽虧頓置。因循墮和好。俛仰銷年歲。翻憐井邑盛。又使編
氓匱。頗云魚蝦微。亦已困征稅。人生賤苟免。所尚剛強氣。
呼膺飽何時。暴虎怒斯易。吁嗟久悒悒。胡爲長惴惄。夜聞
踏歌喧。激烈動哀思。吳俗固捷疾。吳兵信蠶利。項梁起讐
秦。子弟奮投袂。功成須力到。豈必資黠慧。寧羨鵠居巢。盍
如嶺有類。未發忌先聞。因詩良自喟。

虎丘

虎丘之名歲二千。虎丘之丘何眇然。衆山爭高隱日月。笑
此拳石理平田。雖然培塿疑異物。劃開陰崖十丈懸。蒙中
風雨橫。石盤自添苔蘚滋。春來春去吳人遊。足躡層巔踣
應泣。

北齋二首

頻年寄全吳。廨宇雜營保。前廳久傾壓。後舍岌欹倒。常因
霖雨後。壁壞不容掃。跳蛙浴漏瀆。野穀媚穿果。以茲違色
養。先還媿親老。低頭謾商歌。瞪視豁愁抱。當身良易足。遺
後非長道。幸今脩整畢。楹桷正完好。晴窗閒畫永。夜榻初
涼早。友朋坐雍雍。燕雀鳴草草。居室君子後。草門固爲寶。
矧伊澤國士。敗棟滅塗潦。繆充使者屬。職恩振枯槁。人之
所歆羨。未必天能造。卷藏姑罷歸。蠹簡說剛浩。

入情無終極。匪陋則求佳。寢處旣少安。遊燕豈不懷。惟思
舊酒務。糟醉荒榛埋。破瓶聚隆塗。新甃連長堦。種竹夾超
澤。長芳蓼。亭亭兩高梧。買自婁門街。俟以歲屢寒。宵若萬
仞崖。吾留能幾日。覩覩強安排。方嫌樹影瘦。復慮地勢孤。
世間香味悅。每與腥羶偕。雅故使鄭清。法語仍進俳。俯同
侏儒笑。但恐好惡乖。莫窮有限物。徇此未腐骸。

贈訥相

柯山訥相醜形模。以相獲妍如子都。每將氣色較官簿。初
若搏影終探符。劉公實陞提刑丘。宗卿加龍圖。就中兩說
最稱駿。余耳所逮非人証。汎言心事依勸戒。多假名器煩
邊呼。君門九重遠萬里。求者爭道分榮枯。一身暫寄百骸

聚。楂彼朱紫誰頭顱。子其惜術無浪許。恐負西山之餓夫。

送鄭虞任赴京西檢法官

春風逝無涯。夏潦生未已。恩君溯江漢。行銳步難止。事繁
絲唾亂。神靜魚鱗理。前年浙東幕。借助獲專。邊頭值閒
暇。人物盛儲時。荒村魚米場。孤戍花藥市。雅無足禪味。翫
世失憂喜。但疑柳上白。時雜鬢間紫。豈非久不遇。感歎妨
隱。几回首。舊隆中。畦櫤長薿薿。

張氏東園送王恭父得殿字

燕鴻不相須。進趣自求便。余來君其館。乃復當我餞。一春
三月雨。亭樹鬱霧濶。繁重厄飛揚。花蕪堆紫茜。縱有百壺
清。何能一笑遣。爲郎昔同甲。四海初會面。凜然抱英特。霜
宇搏溫靉。雄辭推落筆。一語不可遷。重來更純粹。玉琢金

就鍊漢家聞道術。四達詔羣彥。談經石渠觀會議。白虎殿通方要歸宿。立異豈夸徇。子行若微罪。天意委深眷。以其今固辭可信。非始戀。楚熱宜繻縵。峽漲難短率。回舟泊書林。及此未掩卷。

奉賦德修西充大夫成都新園詠歸堂二首

浣花炫春澑。濯錦絢晴浦。成都信繁會。此水工媚嫋。豈無濠上亭。蹙步難仰俯。誓言違市朝。卜宅近幽阻。沃沃葵莧畦。熠熠棠杏塲。朝曦濕淺瀨。暮色生遠渚。循涯詠未厭。引流絡其岡。蘋荇依籬樊。鳬鳴雁宿庭戶。長松百里外。物象爭渺莽。時平乏隱淪。蓑笠自歌舞。岷江志東向。激射走英楚。胡爲滯淫之。習坎聖所許。去官

我生海旁州。古言江來鋪。力浮萬頃盡。坐識一溜初。之子酌彼源。紺潔玉斗巵。雅韻吟煩憂。逸駕陵趙趙。詠歸有何意。豈亦歌風乎。湛湛遊無梁。滔滔濟無桴。縱橫洞伏中。暮齒將焉需。三間始開闢。十畝終耘鉏。東西兩莊舍。兄弟相膺呼。緬哉趨前規。更作却後圖。顧恩曲肱樂。一身匪求餘。我獨無家歸。羨子鑄白羽。

送李郢

蓋代才難看。獨手衆參聞。見其來久流。風莫盛元祐。時崛
起誰當紹興。後嗟君探討。窮一生心通文字。難力爭雀啄。
雪蘿閣筆坐蟲吟。露草繙書行。已輕富貴須臾爾。萬一姓
名傳野史。只愁垂老絕知音。自送青編滿朝市。余之視君
尚少年。題玉爲碑何所賢。期君更盡未死日。舉世不信方
知天。

醫工歎重贈柳山人

柳生洲居濠北邊。繇辭質野誰所傳。不曾入城行賣卜。有
問灾福須呼船。歎我奇疾何頻年。其初過清肌凜然已忽
腹拒遭拘攣。一身盡異形質變恍若土木徒人言。蚤知定
性不生滅。今安得爾庸非天。醫工刃人死無律。妄談標本
從何出。補勞護弱轉凝聚。排寒盪濕加溼鬱。挾風上行關
膈失逆肉糜皮併爲一。猶云無傷乃餘疾。生雖憐我謬時
命。豈悟顛倒緣此物。彼蒼應有司殺者授柄於工無乃恃。
我勞萬事明當休。自古落歸山丘。但疑未死復不活。熟
視重爲諸醫羞。餘聰殘明不可留。治命已乖妻子謀。執訊
塞貽朋友憂。柳生聽罷掉頭笑。既有主對非吾尤。山歌靜
夜聲宛轉。更着此曲歌中流。

宿石門

好溪瀉百澗。南北傾萬峰。山凡堆阜俗。映岸羞爲客。石門
忽秀出。老幹蔭渟泓。捨舟從口入。便已離塵中。衆芳拱窟
宅。環峒獻奇穠。藤蘿異龍虧。尺寸疑施功。錦茵翠織成。照
耀無春冬。水行千丈高。欹薄不可窮。更有洗頭盆。雲深霧
常封。昔年謝康樂。築居待其終。繼作者丘裴。語言亦稱雄。
邈然百世後。未忝騷人風。栖栖三羽衣。日晏齋厨空。之子
用。安山久成翁。結廬會昌側。勢落魚蝦叢。種竹似東韋。菽
松如斷蓬。小兒餌盆盂。何時至周公。會當同此住。代輸助
之春。

淨光松風閣

城中雲日如火催。淨光行食聲轉雷。不知何處白蘋起。便有滿坐清風來。莫言作樓非急務。翁當運斤兒執鋸。待得三間着此風。病叟扶攜上樓去。

朱娘曲

憶昔剪茅長橋瀆。朱娘酒店相爲鄰。自言三世充拍戶。官拋萬斛嗟長貧。母年七十兒亦老。有孫更與當壚否。後街新買雙白泥。隼擬設媒傳歸好。繇來世事隨空花。成家不了翻破家。城中酒徒猶夜出。驚歎落月西南斜。橋水東流終到海。百年糟丘一朝改。無復歡歌撩汝翁。回首尚凝甯影在。

送曹器遠

曹子苦心懷百憂。古人遠矣思同流。平生未得雄豪力。今

日便宜卑微休。麻源洞裏瓊葉雨。南草市上蘆花秋。十年老語爲誰了。西望滄江空白頭。

新移瑞香舊曾作文忘之因今追憶云

一株當三春。名花不易得。百年等尋丈。不博千乘國。野人三十本。強賣青銅百。應怜跗薦具。苦爲薪米迫。移栽向明陽。妃媛儼行列。土膏合根性。功用成夙昔。除香出淺紫。泣露輕脉脈。含愁欲誰訴。折去情更惜。方求蔽芾陰。未受搔擢厄。嗟余自羈旅。何以慰新客。慇勤深夜來。少待山月白。

與英上人遊紫霄觀戲述短歌

野水隨路曲。東風得木鳴。景物已和柔。川原倍敷榮。茂桑高旣條。細草亦叢生。眷言雲外士。及此塵中行。南臨大陂出。波面與心平。道旁古精廬。黃茅間榛荆。會集傾遠村。裳

衣自鮮明銀釵挿仙丹。歌舞喧囂。何以勞比隣。秬粃雜餽餧。去年穀不飽。白骨今縱橫。等爲造化役。未究悲欣情。歸來日已夕。舊徑成溝坑。大車者誰子。不寐方宵行。死魄未滿眉。摘埴將安程。感此良自哂。抱谷非鶴鷗。

月波樓

下林百菓春自花。屋藏汀陰泉着沙。光風臘雪誰安措。煩紅密翠空欹斜。愛君樓高出江上。百里江山開四向。峻屏森聳遠更寒。紋練縈回靜猶浪。孤潮夜卷西頭來。海門推出水崔嵬。豈知星河遭映奪。只使鶴雀常驚猜。此村風俗淳且魯。接樹移花今復古。勸君種學化兒孫。不須擁奴呈歌舞。

賦董季興玩書巖

玩書巖裏刻成真。水簾花冕春復春。一朝斂策去何所。來者對之如古人。美哉骨清神亦爽。西瞻匡廬東雁蕩。滿車圖畫常載行。到處名山留塑像。

蜂兒榧歌

平林常榧啖狸蠻。玉山之產升金盤。其中一樹斷崖立。石乳蔭根多歲寒。形嫌蜂兒尚粗率。味嫌蜂兒少標準。昔日取急欲高比。今我細論翻下匹。世間異物難並兼。百年不許羸栽添。餘甘何爲滿地滋。荔子正復漫天甜。浮雲變化嗟俯仰。靈芝醴泉成獨往。後來空向玉山求。坐對蜂兒還想象。

登北務後江亭贈郭希呂

壁上陋室銘。門外剪茅亭。小市魚蝦散寂寂。大江風浪來。

冥冥郭翁雖老猶貌澤。腹貯今古心和平。只應獨將笏柱
頰。清坐都不挂毫髮。何必隨逐欄頭奴。日招稅錢三萬億。
前靈運後延年。桑麻舊國常宛然。城頽路闕總令好。不知
於人安穩否。

送程傳叟

茂苑臺高春日明。君顏如花楊柳青。蕭條別離風雨外。楊
柳自青君貌改。誰知仰天懇天公。三辰五星在心中。老作
海頭新主簿。蜃氣錯雜迷西東。去年無禾雖種菽。乞命只
指今年熟。家人未可便喜歡。少待上司催結局。

露星亭

斗杓點翠爲北城。四郊環拱來遙青。知君欲覽衆山小。取
博磨就天上亭。身心合於高處着。萬象不語森湊泊。古今
日色遞淺深。志士可惜虛光陰。

明覺寺

雲山尖頭海潮流。九月天雪山葉重。道人高絕但危坐。山
魈野虎皆趨拱。住山三載兩遭荒。侍者餓獵侏參堂。沿村
索米未爲耻。莫令木魚化龍鐘透水。

送王通判

左原家孫產巴東。山靈地秀兼長雄。自小赤心天與通。可
惜五十方治中。北風吹沙暗中渡。不合吹君落南去。永有
子魚山荔枝。借我箸食前籌之。

自羅浮行田宿華嚴寺

浮山昔飛至。與羅合其巔。嚴冬樹色改。青松耀紅鶴。不
自生植。屢伐常蒼然。我病不暇耕。行復觀我田。呼扶偃蹇

後倩護龍鍾先。僮客四面集。畦疃相勾連。敢云歲晏休。翻
犁趁晴暄。民政今古殊。憂樂豈異源。收身卧荒刹。朗月前
夜圓。鵠懶附枝靜。鼯飢喫牀穿。爲農悔不早。時發棹歌旋。

送輩仲同

花溪初逢日苦短。滴洲重尋意更長。天催鶴鵠王樓去。漱
流不並龍洲旁。春風忽高行旆起。酒盡何如添野水。古來
交契看老時。與公安得輕別離。

送亦退恩四川分司茶馬幹官

棄繻詆關吏。廣殿射高名。方從媚子引。豈料讒夫傾。京師
恩暮降。蜀道險朝升。執手郭西門。惄愴難爲情。有山擎空
雪。有合匝底冰。鳥樂謾後譟。猿孤定先鳴。漢中王霸地。從

爭崩摧韓信壇。闕落張魯營。感子奮衣去。客孟意

自輕笑我老何怯。萬里今橫行。

送龔叔虎

寺暗莓苔深。歲潦雷雹粗。問胡旅窮舍。鑽燧煮萊蕪。答云
自孩童。蚤識窶下梧。逡巡四十載。翻着火上爐。今昔豈異
能。聞見終殊途。德衰嗟教薄。筆退怜詞枯。何以充我求。往
衆歸裝。孤子文如繡。肇子行如冰。壺世惟春華。爾用秋
實餌。去從孔鸞翔。勿受斥鷩呼。

趙成父築亭上饒卽用東里舊圃榜曰魚計

秦僑洛寓隨南公。新條復欲無開封。亭名若有土斷法。鄭
圃。豈在章泉中。舊魚遙應化龍去。今魚且復波間住。人爲
魚計。魚未知。今樂莫忘昔日悲。

許敬之用余言作松山草堂。然遊山之意猶未已也。

申以爲箴

許子。住松山邊。門開路闢。登山巔。千年茂樹不改葉。百尺甘井常流泉。堂中悄然人境絕。時有剝啄延曜仙。天下之山皆若此。捨而外求徒喪已。卑能蘊高而爲謙。高能生明。是爲貴。芒鞋價長。今安之。換屨欠伸吾老矣。

送蔡子壽

彼友蔡氏子。任也堪將相。唯儔亦異材。朗立萬人上。吾嘗扣其微事。詣理亦暢。雨露待堅成。風波豈凋喪。醯雞發淺覆。監虎背新樣。侵尋墮老醜。關茸屢監當。繁霜生野色。行李正慄愴。恐子復未平。因書寄無恙。

送陳壽老

天台雁蕩車接軫。青田又促半湖近。冠岩帶壑無俗情。秋幹春荑競時盡。立望絕華軒過其誰。幽尋穿薜蘿。更抽奇筆向雲射。破的疊中千駕鵠。古今文人不多出。元祐惟四建安。七性與天道亦得聞。伊洛尋源未爲失。閻風招王遊。太玄麻頭制尾中興年。黃金鑄印宜輕佩。定把堯舜陳王前。我家罄懸仰見斗。簸君紅旗魑魅走。密房談短夜更長。雪高冰深去無鄉。

題鄭大惠詩卷

憶從草廬赴鄰炊。澁雪攬筵糟涌糜。要當醺酣活膚湊。不許雕刻妨肝脾。何年兒孫錦裯裂。金塗門扉玉爲切。吟中得眼萬象通。浪吹狂歌總休歇。兩家至今住連牆。讀書聞雞夜相將。經明先入韋平室。句好還升李杜堂。

孔鍊士話龍虎山之勝於其行。因以送之。

羣嶂倚天傍四環。中峰受拱低伏蹲。雲錦交流紫團外。却注彭蠡如傾奔。道陵已去丹竈冷。今代符行妖鬼靜。孔師何事亦逃儒。爲愛米林雪蒙頂。我居無山冬不雪。只受虛空滿輪月。子能作意宵重來。更待墻東筍堪掘。

送呂子陽自永康攜所解老子訪余留未久其家報

以細民艱食急歸發廩賑之。

收纓古蜜浦。抱袂生薑門。九九書自註。邀余縱篇端。久衰余學廢。彌隱子道尊。時維冬雷數。雲雪常晝昏。火把起夜色。丁鞚明齒痕。小邦肥笄闕。鰯蛤濫充盤。椒橙失滋味。繆絮勞傾吞。詰朝報家問。剪書徵阿孫。苦陳鄉人飢。采蕨啖其根。倉封井花滿。淘米安得渾。覓翁如覓父。願假東飛翰。愈之不遑處。喟焉整歸鞍。我老澹百慮。身世兩莫存。欲私

壠潤豈救大培乾。西城柳搖搖。北寺江漫漫。勿令嗟來死。以慰行路難。

送葉任道教授之官靜江

太學奏文夸第一。國子先生裏行立。嶺南梅花太枯澁。花豈喚人人底急。爐亭雪深叫孤鴻。傳書爲憩明光宮。雲翻雨覆古來有。不如堂堂金石守。

送陳漫翁

笠澤老龜蒙。端卧絲自裏。君從蓮葉畔。親領末後語。憐我未得聞。獨蘭受長緒。因茲服英悟。郁郁副奇許。士於淪胥中。搏手架欄柱。一瓦不漂零。百世保風雨。轉圜信無難。減木猶有懼。高翔要深泳。厚積堪重負。狂波浸三伏。回壑萬流阻。旅情方夷猶。霽色待舒吐。樵峰濃黑散。蓼岸微紅聚。

進舟石門灘。小泊看佳處。

端午行

仙門諸水會。流下瓦窯溝。中有弔湘客。西城南北樓。旗翻稻花風。棹溢梅子雨。夜邏無騷音。絳紗裳首去。

趙振文在城北廂兩月。無日不游馬塍。作歌美之。請

知振文者同賦。

馬塍東西花百里。錦雲繡霧參差起。長安大車喧廣陌。問以馬塍云未識。酴醿縛籬金沙墻。薜荔棲閣山茶房。高花何啻千金直。著價不到宜深藏。青鞋翩翩烏鵲袖。嚴勞引首金蔣後。隋園摘藥煎凍酥。小分移牀獻春酒。陳通苗傅昔弄兵。此地寂寞狐狸行。聖人有道貢草木。我輩栽花樂太平。知君已於苕水住。盡日艤聲搖上渚。無際滄波蓼自

分。有情碧落鷗偏聚。追逐風光天漫許。拋擲身世人應怒。君不見南宮載寶回。何如趙子穿花去。

王宗卿答春堂

春以喻母慈。慈深春不如。見欲答母恩。恩重答無餘。華堂頓有雲籟隔。夢裏分明與親劇。阿連進奉新批勅。翠裘黃簡緣兒得。朝騰玉章乞祠官。願身暮歸怡母顏。老農邀君勿輕去。萬紅千紫扶春住。雨田自種晴田收。好是天留答

春堂

送鄭丈赴建寧五首

過家鄉里敬。將母士夫榮。得失從人論。行藏獨自明。百年中古少。一笑萬金輕。廉士吾何敢。新茶可擷英。有志雖身健。開心在歲寒。一時諸老盡。多見大名難。湖海

方連早甌閩適少寬爲州人不乏千萬強加餐
清廟圖書寶熙朝雅頌音頻繁三節召莊再二毛侵衣食
家纔足丘園意亦深卧聽牀下士時作武侯吟

海內言華事功名動搢紳十年長隱吏一語必驚人酒量
新來減交情老更親公知如促膝剩把古書陳
屏棄誠愚分牢愁更索居若逢知己問猶解課兒書地僻
門長閉年饑菜自鉏相望無一事不是故情疎

何參政挽歌二首

退食勤稽古當朝動引經人心喜偏側國脉要勺亭二府
蚤聞政三孤晚告靈羔裘惜光彩不寧到頭廳
宿昔叨殊眷尋常款直廬聽雞催謁駕立馬待紳書零落
誰存者追尋昨夢餘何曾墳石介韓愈自狂疎

題費肅校書遺事

欲識隱居者當年費懿恭却辭金馬直歸卧錫山峰兩詔
終不起一瓢長自從兒孫盡登第勿剪舊栽松

送鄧諫從制幹

援引亦未力聲名空復傳終攜太平策還上蜀江船帆色
桂曉月艤音穿夕煙滄波不盡興收拾浣花邊

題柳山人壁二首

水北柳六一家傳擲卦靈秋清演漁曲春近著牛經掩肆
花竹秀排門柑橘馨應憐喜功者虛要峴山銘
我病屢移卜山人不面謾常言千日厄未許一朝安地上
庸醫滿天邊惡曜攢歸根與復命自笑此何難

宿覺庵

宿覺名未謝。殘山今尚存。暫開雲外宅。不閉雨中門。麥熟僧常餓。茶枯客謾吞。荒涼自有趣。衰病遣誰言。

贈勝上人

近日能吟者。黃巖說勝師。語生兼老筆。體重帶幽姿。遺臘米千箇。勾春柳一絲。方山最高頂。不擬到茅茨。

題張提舉園

竹外萬雲合。荷心一雁來。若無歌舞鬧。應有鬼神猜。野岸鉏難遍。幽根煖易栽。前山未放入。好閣更南開。

送謝希孟

白頭趁幕府。蚤已負平生。未放鵬舒翼。應須驥斂程。驛梅催凍蕊。枕雨送春聲。爲語常平使。開懷待子荆。

贈徐靈淵

歐虞兼褚薛。事遠跡爲塵。今日觀來翰。如親見古人。盡歸嚴號令。富有活精神。碑板荒唐久。遙看走四鄰。

戴肖望挽詞二首

巖巖蕭太傅。謇謇鄭尚書。可惜流光晚。翻無急詔除。交情梅葉盡。哀意柳芽疎。只有安江滿。長涵夜月虛。

老失平生友。悲尋路轉迷。水肥應返釣。田瘦合歸犁。草與地蕭瑟。雲垂天慘悽。無因再商略。短日送寒雞。

贈蔡茂才貫之子與

蔡家五千卷。藏向石庵中。講誦今幾日。飄零隨隕風。隔垣孤響度。別井暗泉通。安得無爻象。與將吾道東。

余知府挽詩二首

壽者福之首。中兼典郡來。聖知天上事。磨盡世間材。此際

靈龜往。何方化鶴回。所親都不恨。有識自興哀。
憐我抱空意。鬢間饒白絲。已從真率集。那復少年時。
柳絲春前葉。松餽雪後枝。建炎無故老。難詰省方悲。

贈聽聲歐陽承務

無心立臧否。有術驗榮衰。舉世聲中動。浮生骨帶來。
彈輕知福地。歎小應靈臺。笑我老何及。是身惟死灰。

送包通判兼寄膝季度

風雨逍遙地。衙排印籠新。鋤車分路澗。寶瑟聽歌頻。
燈市曉侵月。花田晚占春。却過張翰宅。方信有閒人。

趙尚書挽詩二首

材業將時偶。聲名闢寵新。文昌留不住。大尹政通神。
力說和戎好。從撩相國嗔。春花補秋萼。還得自繇身。

江北江南曲。吟高許和同。相迎黃篾浪。失笑白蘋風。
老病猶貪活。漂零各冒空。長懷洞庭橘。買宅傍牆東。

贈盧次夔

家住東郊深。能詩人共尋。米榦問道錦。玉軫斷文琴。
城漏宵添滴。花晝減陰新。涼白頭句。清甚費悲吟。

送趙幾道邵武司戶

無灘秋水平。有句官曹清。楊柳欲落盡。菊花愁晚生。
書多前益智。文古後垂名。功到闊深處。天教勤苦成。

贈李秀才順之

怒漲爭茅竹。安流節斗門。行苗存水則。縮板護河源。
士李昔陳義。守奚能聽言。便當生廟食。禾熟賽雞豚。

送侯居父

宅古竹陰晚。書殘燈焰稀。深知靜者趣。轉益宦情微。別殿行催甲。休工坐掩扉。御前清切地。重得薦皇闈。

贈高竹有外姪

娶女已爲客。參翁又別行。相隨小書卷。開讀短檠檠。野影

晨迷樹。天文夜照城。須將遠遊什。題寄老夫評。

沈氏書堂

應與石渠並。又疑金匱存。晒書天象切。浴硯海光翻。我老行罷讀。君材重細論。猶言無一字。大道始歸根。

薛子舒墓

悒悒西門路。樵歌占晚雲。燐迷王弼宅。蒿長孟郊墳。少病憐鑒錯。題書與父分。又言重把筆。兼欲使余聞。

項君先有幽興堂。其子木卽以名庵。

平生意外事。身後有誰知。魄靜雲稀出。神遊月共移。春茶翠旗展。霜荔錦幘垂。更欲添幽興。惟消桂幾枝。

施翔公掌教長沙

耆英羲前識。簫韶舜後音。追回賈誼貶。喚起屈原沉。湘水汀烟濶。梅花署雪深。余行陳迹久。因子一微吟。

送陳約甫知永豐

四十未朝蹟。三經綰縣章。嫁頻知子熟。醫老悟身嘗。菊趁行時色。梅催到日香。還欣肺氣減。中熱變爲涼。平生無限意。夜深樵唱起溪南。

曾晦之挽詞

交遊盛處失駢驥。筆硯窮時縉碧藍。驥老尚能舒駿逸。龜潛終不慕芳甘。壽過八十人人羨。恩在鄉閭事事談。埋沒平生無限意。夜深樵唱起溪南。

中洲處士折梅花并新語爲贈率易鄙句爲謝

中洲之中十樹梅。蟠枝着地照蒿萊。卽非無主憑誰伴。自不衝寒要早開。午蝶只隨遊子意。暮笳難寫遜夫哀。幽纏寂寂天應笑。挿向歸帆雪滿桅。

送劉德修時在京口

日日秋風江倒回。江邊執手重悠哉。兩山只欲當中住。一舸還應却下來。說與蛟龍息豪怒。亦令鷗鷺少嫌猜。吳頭楚尾何時極。拈就前詩併展開。

送范文叔知彭州

君今結束歸何勇。我獨棲遲去不能。江水入冬猶浩蕩。風帆逼歲合騫騰。相逢論事信徒爾。清坐矢心嗟未曾。想得彭州退公後。夜窗重整照書燈。

送潘德久

每攜瘦竹身長隱。忽引文藤令頗嚴。聞道將軍如卻縠。不妨幕府有陶潛。江當濶處水新漲。春到極頭花倍添。未有羽書吟自好。全提白下入詩奩。

無相寺道中

傍水人家柳十餘。靠山亭子菊千株。竹雞露啄堪幽伴。蘆菔風乾待歲除。與僕抱樵趨絕澗。隨僧尋磬禮精廬。不知身外誰爲主。更覺求名計轉疎。

陳益謙挽詞

余與益謙居相望。疇昔雅相揖而已。益謙死其子以書求哀挽。言君之材與學皆余所未知也。訊之王成叟信然。乃爲作此詩。

舍南巷北水同流。稻菽參差各自謀。不料多材能轉物。更憐無地與伸頭。蛛絲委架詩書愠。鷺羽空陂菡萏愁。好在夜深明月滿人間。地下兩悠悠。

併工

併工催作趁春前。又值春歸一莞然。新筍頓能長數尺。晚花寬與待明年。回廊寂寂爲苔地。後塔陰陰造雨天。坐睡不驚還自覺。鬢鬚鬚將老到衰邊。

菊花開送徐靈淵

白頭幾度重逢九。方是今年種菊花。衰病自憐何處看。馨香聊向小園誇。討論搖落生光怪。暖熱風霜與麗華。正好行吟君已去。別移秋色付誰家。

丁少明挽詩

枕冷秋山不記年。時時逸想醉看天。吟成絕妙驚人句。散盡粗浮使鬼錢。萬卉有情風煖後。一筇無伴月明邊。新來王子碑能說。筆意堪將此共傳。

宋仲方遊吳袖文索詩爲別

九曲絃歌滿巷傳。儒林聲價有誰先。昔憐少學隨翁久。今喜新文信汝賢。刪後畫前元未聖。南花北葉定誰妍。終期猛進一篙力。透過龍門急水船。

毛審夫挽詞

我昔髫年侍此翁。自甘窮僻古人同。道修白業曾先悟。官近青雲却未通。亭長嫩蚪新戲雨。徑存衰柳舊搖風。世間榮落私情盡。留得清名是至公。

送趙提幹

與君中外情偏厚。嗟我龍鍾志已摧。豈有尋常墮泥滓。不教宛轉助風雷。花枝買笑前村趁。柳帶牽情別浦催。細雨酒亭東望處。應將新語寄潮回。

賀縣尉

端龐還有北人風。大雅元非楚士同。此日深探應徹底。他時直上定摩空。離家杳杳百灘外。過我昏昏三伏中。籬破屋荒無路入。荷花招手席門東。

送曹潛夫

東南作闢歎年徂。遠遠參司到蜀都。元帥幕中須受辟。生羌界上也分符。閉吟杜甫詩千字。時載楊雄酒一壺。只我衰殘望君切。杜鵑聲裏認歸塗。

郭伯山挽詞

兄弟窮經各一時。百年義塾尚留炊。講燈常照鶴窺坐。壇杏半紅猿掠枝。未奏邊功明主惜。將成京秩故人悲。挽君已老應先盡。安得埋銘更後垂。

薛端明挽詩二首

可但補闕名官日。不逢引裾強諫時。上朝有疏天常納。下殿無行誰獨疑。論道何如出綸晚。督軍頗嘆封侯遲。凌煙畫手今寂寞。荳蔻林高荔子垂。

水稼初融闕月沉。英豪四坐地爐深。爭看麈尾頻揮處。難了朱絃未盡音。怪我輕談當世事。知公默會古人心。空山穩對梅花宿。錯向林逋墓裏尋。

題閻才元喜雪堂三首

東來十月黃塵滿。霰點霜花總未堪。恰是使君誠意足。帶

將臘雪赴荆南

平壓龍山五尺危。墮鳶何處避陰威。漸令融罷春泥軟。麥浪黏天燕子飛。

簷角低狹小凭欄霏霏只合對高寒。他年認得名堂意。不作銷金煖帳看。

水心卽事六首兼謝吳氏表宣義

生薑門外山如染。山水娛人歲月長。淨社傾城同禊飲。法明闡郭共燒香。

我久無家今謾歸。賣田買宅事交違。填高帮潤爲深費。杜小簷低可厚非。

雖有蓮荷浸屋東。暑煩睡過一陂紅。秋來人意稍蘇酌似惜霜前零亂風。

柜霜旋插花疎疎。甘菊新移日晒枯。花草只今如此在。幾時寫作會昌圖。

聽唱三更囉裏論。白旁單槳水心村。潮回再入家家浦。月上還當處處門。

吳翁肥遯逾七十。朮老芝荒手自鉏。惠我篇章成錦字。西鄰得伴亦堪書。

橘枝詞三首記永嘉土風

蜜滿房中金作皮。人家短日桂疎籬。判霜剪落裝船去。不

唱楊枝唱橘枝。

琥珀銀紅未是醇。私酷官賣各生春。只消一盞能和氣。切莫多杯自害身。

鶴袖貂鞋巾閃鴉。吹簫打鼓趁年華。行春以東崕水北。不

妨歡樂早還家。

余泛舟不能具艤創爲隆蓬加牖戶焉。

雖然一槩匆匆去。也要身寬對好山。新柳蓬窓高似屋。諸

峰獻狀住中間。

鉏荒

鉏荒培薄寺東隈。一種風光百樣裁。誰如眼中無俗物。前花開遍後花開。

題施紙被蔡宣義所藏孫太守褒諭帖

乞子勦勦暖凍軀。押衙得得奉親書。孫公已去蔡公死。近日鄉人嘆不如。

贈孫十五道人

將軍橋畔女仙家。年與鍾馗宴與花。欲度世人無妙諺。睡

長留日住簷牙。

送呂子陽二絕

七峰斜轉斗光寒。千仞飛來雁影寬。生怕被君題寫盡。更

留風景後來看。

好花移買自嫌貧。浪葉空多未許春。放畱江邊無數橘。半

黃半綠惄強人。

艾軒詩鈔

六

林光朝字謙之。閩之莆田人。隆興元年進士。任袁州司戶參軍。知永福縣。召爲秘書省正字。歷著作佐郎。國子司業。出提點廣東西刑獄。徙轉運副使。加直寶謨閣。召拜國子祭酒。除中書舍人。以集英殿修撰。出知婺州。提舉興國宮。卒。光朝學於陸子正。子正學於尹焞。而光朝之學一傳爲林亦之。再傳爲陳藻。三傳爲林希逸。其師友之際如此。林俊曰。艾翁不但道學倡莆。詩亦莆之祖。用字命意無及者。後村雖工。其深厚未至也。

送別湖北漕李秘監仁甫

文字眇煙雲。過眼徒浩浩。所有未見書。惜哉吾已老。老子雲客長安。陳迹如一掃。同叔向來人。我生苦不早。亦聞青城

山斯翁爲有道。瞿塘不可上。秋夢長顛倒。白日來西崑。
見自應好。縱譚百代前。至境非枯槁。多爲開口笑。明月生懷抱。黃鶴有高樓。況如事幽討。攬轡逢道州。聽書下下考。
周南勿留滯。掇拾供史藁。分手重酸辛。璠璵衆所寶。十日不得面。何爲太草草。

送別姚國博知處州分韻得綠字

銅盤白露下。松桂淨如沐。變彼菊花團。西風吹醞醞。長安多別離。此別苦不足。人物如使君。容易等潘陸。一自海東頭。清飈起謠俗。館下欲何言。聯翩如破竹。功名不徒爾。無乃相迫逐。雙日訪延英。行矣公勿卜。括蒼煙雨前。寒光貫岩腹。大叫出銀冕。邂逅聚百族。要攜三月糧。所厭惟一日。幸心忽開張。何曾畏笑謬。單父勿長吁。來者猶可續。道旁

有抵壁。天下輕結緣。一夕洲渚言。令我沉心曲。

代陳季若上倉使

大塊始開鑿。媧皇爲補天。天平雷雨正。后稷誨之田。大浸十二歲。流金復七年。幸哉堯湯民。以手摩撫然。徂丘虐焰起。秦俗相焚煎。官租奪以半。飽食何貧緣。自從漢道昌。敦朴乃其先。初開常平議。聚粟如源泉。年登穀價賤。散以大農錢。旱潦或艱食。用之如轉圜。悠悠百王心。皎皎三代前。井田日以壞。此法當磨鏽。公侯希世珍。秀色媚長川。官學有根株。誦詩三百篇。風土無隱情。是爲大夫賢。博飯哺赤子。當食長爾憐。江東百萬戶。彫俗生春妍。持節閩嶺初。有如病者痊。劉晏取予術。夷吾輕重權。義倉有粟腐。物價敢喧闘。斯助阜民政。南風吹五絃。晝日公侯門。客車動百千。

下吏走塵土。從容愧執鞭。豈不隨吹噓。譬彼乘風船。長技
非卓魯。主德奚由宣。松竹伴孤吟。敢懷歲月遷。終酬國士
知。未甘長棄捐。

石渠行。送別福建參議李著作器之

我來石渠五十六。雙鬚如蓬腰未曲。豈爲健筆有徐庾。自
數來時六十五。誰解辛苦續子虛。長安有客四十餘。已老
成翁不宵去。青藜當戶夜讀書。東觀丈人起遐想。無爲歲
月空踟躕。去作諸侯老賓客。可無綠水兼紅葉。我家東下
纔百里。釣螺一曲清無滓。草堂爲築荔枝斜。濯錦江頭有
如是。子思子方道爲尊。南國佳人如秋雲。不知公侯有朱
箔。要問常州李著作。

資中行奉寄臨川守宇文郎中

銅駝陌上生秋草。前者刻石今如掃。儻邊半紙半模糊。下
牀三日成悲憫。蒼史萌芽何可見。要從筆意生秦漢。欲將
奇字問何人。所守一家如小篆。是中變幻隨形模。鐘鑄鼎
鬲盤孟。如何兩京到魏晉。揆盡蒼崖惟此書。卽今原隸
見顛末。仍於畫上分鎔銖。燕然有年固可紀。筆勢豈得先
黃初中郎袖手欲無作。正始不逮况其餘。幸哉一見俱抵
掌。翩翩如反古石渠。且說金陵佛屋何年燈。晉分階張猶
青熒。忽聽荒雞還自起。資中之刻不徒爾。

鞭春行

轆轤胥寒田雀飢。江梅落甡兔脚肥。枯腸一夜轉雙轂。眼
光吹上蝦蟆衣。岩腹新晴山鬼哭。女媧墳外春風歸。繭村
紙簾大如席。柝柝藜杖金雀飛。

癡頑不識字。歌許叔節來詩有此句。因以名篇。
平生讀書如風過耳。歲月共流轉。如磨復如蟻。一如人嚼
蠟。而不見其味。又如弄孤杵。連夜不成米。又如過羊腸。十
步復一止。年頭月尾無一是。咄咄癡頑不識字。見君詩舌
如鸚鵡。愧我爲人師。怪怪奇奇。如懸崖萬仞龍蟠古樹枝。又
如生馬。不施鞍而馳。又如錦苔封漫峴山。千年墮淚碑。又
如玉關客。血上老犀衣。盧同孟郊骨已朽。眼睛頭顱何人
相傳授。與君往還歲月久。比來春風入我牖。便覺岩前草
木件件有生意。跨蹇驢出古寺。欲訪子雲問難字。

乞竹雞

疎籬短短花枝闌。鳩婦不鳴天雨寒。鳩婦離家二百日。亦
有姊妹依故山。黃糧不育稼。欲去羽衣殘。主人一見一憐
汝。抱取東家竹雞來戲聚。孤村落日不相識。各各哀鳴求
其主。兩鳥勿驚遽。低頭聽我語。鳩婦入我家。必殺入我山。
牀頭瓶罌無餘粒。養汝一到十日後。東堂數竹夾新蹊。兒
童牢落惟愛一竹雞。堂心有智井。飢則哺其泥。主人緣窓
安淨几。丹碧相依安用此。竹雞竹雞慎勿傍人飛。飛墮三
間沉白蟻。

冬至

橫枝凍雀昨夜死。水底黏魚吹不起。小伶切玉孤鳳愁。九
寸之管傳生意。舞雪山下逢丈人。植杖無語空逡巡。再拜
丈人欲識桑麻生長力。鬼蝶翻覆梅花春。我於萬物亦一
物。何時春風到肌骨。空山鐵鎬年月深。一語不破天地心。

吏部尚書林公梅卿挽詞

百紙梅花賦。聲名出渚東。向來惟李賀。勝處是楊雄。遙屋看書帶。逢人說刺桐。尚書舊時履。只合步春風。

次韻奉酬趙校書子直

雁塔新題墨未乾。去年燈火向秋闌。趣看天祿青藜杖。怕着王孫紫綺冠。好在三山尋浩渺。何如一紙問平安。觚稜放月無人到。玉參初成許共餐。

次韻呈胡侍郎邦衡

并引

某竊觀侍講侍郎先生大書著作之庭。其形摹濫觴發於小篆。豈八分未出。已有此書。又蒙傳示銀杏兼簡之什。謹次韻奉和。

聲教從今已遠草。翩翩作者問誰堪。石經猶有中郎蔡。金匱曾誇太史談。至竟銀鈞并鐵畫。相傳海北到天南。諸生照夜應無數。要是層波更好探。

考古頭渾白禹穴何時更許探。

九日同出真珠園再用前韻

來自清源葛已覃。君王問獮我猶堪。百年耆舊如重見。九日登臨得縱談。才子不知汾水上。仙人長在大江南。明珠照夜應無數。要是層波更好探。

送別傅郎中安道持節閩中

忽然鄉思若爲收。莫到三茅最上頭。二月東甌看負弩。一天南蕩想行舟。過家上冢從今數。落絮飛花合晝遊。料得甘泉來奏計。定應前席莫遲留。

八月十五日道出南昌寄龔師實之兼呈程泰之劉

文潛二漕

未應雙井卽塵埃。似此衣冠得幾回。國子先生還並駕。洪

都新府却重開。再三爲問滕王閣。第一須登孺子臺。定向此中修覩事。江邊不道故人來。

閏月九日登越王臺。次韻經畧敷文所寄詩。

閑陪小隊出山椒。爲有吳歌雜楚謡。縱道菊花如昨日。要看湯餅作三朝。千重嶺海供橫槊。一帶風煙聽采樵。憑仗折衝如此好。不應東去更乘艤。

再次前韻

却趁秋旻別九韶。扶胥直下聽風謠。瀾翻對酒還終夕。火急催詩在詰朝。南國更逢陶令酒。西江莫扞楚人樵。自應幕下文書少。節制如今屬漢朝。

前歲過真陽。初識子欽今。道出曲江不忍遽分手。偶成長句以志兩處山川人物之勝。亦少慰別來耿

耿耳。

秋崖一夕卷炎蒸。那更揮斤爲斲冰。碧落舊尋燒藥竈。白芒長對讀書燈。相期大庾何多日。似出浮屠向上層。縱有分張吾未老。定從臺閣看飛騰。

送別奉常林使君黃中易守延平

去時胡不到瓜時。上日多應柳絮飛。卧轍只緣膝壞少。懷章須要越人肥。三千儀禮非綿蕘。五十行春尚綵衣。莫愛傳經似齊魯。石渠長是待公歸。

枕疾逾旬。蒙丞相訪問。仍辱寵示名篇。輒搜枯腸。次嚴韻以塞來使。

丞相嚴裝似燕居。爲憐消渴到相如。病多得艾三年遠。歌雜成琴十日餘。綠野忽傳春草句。白頭還對朵雲書。若爲

追逐園林勝。百轉愁腸亦少舒。

芹齋詩并引

往時從林刪定時隱爲招提之集語某以吾於九仙作見一庵丘壑之念未嘗一日去心比挂冠得請又欣然相語曰吾將作屋數間老於芹下吾老矣從此皆空閑日子所未能忘書卷一事耳吳興別乘代者以期告而公有是舉壯矣哉夾漈唱酬之什皆一時顯者於其最

後也作芹齋詩

春風芹下足遲留白鳥平田憶舊遊說盡軒裳還過眼讀殘書卷復重頭偶逢隱几何須問不到投簪便擬休平世聲名如敝日欲將何地置東山

奉題游泮張明府流香亭時以薦章數下涉秋月馬

首且欲西矣因以寄意云

封題青李數緋桃處分園林意自豪旋出篇章陪樂府更憑花木續離騷酴醿架下提春榼蒼蘋林中滴夜槽却是秋風生馬耳未應老大笑牛刀

送別陳侍郎應求知泉州并引

某竊觀蔡公侍郎嘗大書於洛陽橋之上侍郎過洛陽當摩挲此石彷彿爲同日事也某送別到惠安道中因

以賦詩云

百片牙旗水面長蔡邕題在刺桐鄉十年杯酒開雲榭一樣官銜過洛陽我亦攜家緣送客誰能掃地自焚香野橋衝臘寒梅白莫要登臨憶侍郎

傅使君安道再有治莆之命取道城外還泉南得來

書云已出十里。

何事風流舊使君。江邊聽說下朱幡。逢迎要問平津邸。準擬來呼垤澤門。竹馬已喧明月浦。藍輿却出杏花村。不知錦瑟流傳徧。欲愈頭風好細論。

挽李制幹子誠

千金治產似孫吳。珠箔銀觥只自如。問我長風當夕起。數他極浦落帆初。自知汗簡今千軸。更說生犀有幾株。赤壁當年遇黃蓋。周郎何惜借吹噓。

文字紛紛更問兵。秋燈束髮尚青熒。便令三子成門戶。却許諸孫說典刑。隔水忽傳朝露曲。行人長數夕陽亭。河東健筆惟諸薛。梅子岡邊爲勒銘。

別方次雲

姪蘇臺上姑蘇館。共說南山竹火爐。湖上相逢又相別。不知何處說姑蘇。

代陳季若上張帥

柳堤九曲暗青絲。畫戟叢中晝影遲。傳說姑蘇新樂府。祇緣太守例能詩。

直甫見示次雲乞豫章集數詩。偶成小絕。因以自喻。
脩水佳人白玉欄。花前何似妾容顏。從來未省傷春意。猶自樓頭畫遠山。
莫怪騷人太頹頹。曾聞阿母語劉郎。神仙本自無言說。尸解由來最下方。

吳容州仲一挽詞

竹屋繩橋自有村。牛山簫笛不堪聞。碑前更問何年月。爲

借容州舊使君

哭徐刪定德襄

脩文巷裏莫春前。欲上旗亭問客船。忽有短牋無寄處。魚梁却在淚痕邊。

忽然白晝自生哀。立馬橋東喚不回。驚起何波理殘夢。十年燈火上心來。

哭伯兄鵲山處士蒿里曲

竊觀之近古葬顯者則歌薤露。又有蒿里之曲。施諸間巷。乃取鵲山號哭之聲。作是曲。

殘雲衰草惹人愁。生卽團欒死便休。悲泣聲中裁此曲。雞啾山外鵲山頭。

石塵埃數卷書

桐棺三寸更何疑。却取江楓短作碑。惟有一般蒿里曲。長

箫欲斷更教吹。

